



Республикалық жастар газеті

Ақмешіт ЖАСТАРЫ

...Мен жастарға сенемін!

Мағжан



№29 (566)
18 шілде,
2024 жыл

Газет 2013 жылдың қыркүйек айынан бастап шығады



САМЕРАМАН: ВИДЕОГРАФ ТАПШЫЛЫҒЫ СЕЗІЛЕ БАСТАДЫ

Ең алғаш кино түсіру XIX ғасырда бастау алды. Сол кезде сирек кездестіретін камера бүгінде өміріміздің бір бөлшегіне айналып, ең ғажап сәттерді естелік етіп сақтауға мүмкіндік беретін құралға айналды. Бірі өз қызығы үшін камераман дос болса, енді бірі бұл саланы өмірлік жолы етіп таңдаған. Осы орайда камерасын серік еткен сері Жомарт Кемелхановпен тілдескен едік.

– Көптеген бүлдіршін балалық шағында ұшқыш немесе дәрігер болуды армандайды. Ал сіз үшін бұл салада жұмыс істеу бала кезден бергі арман болды ма? Қай уақыттан бері кәсіби видеограф болып қызмет етіп келесіз?

– 2016 жылы Қорқыт ата атындағы Қызылорда мемлекеттік университетінде Информатика мамандығы бойынша оқуымды тәмамдадым. Одан кейін туып өскен жерімде (Жанакорған ауданы, Әбдіқаппар ауылы) жүк тасып, нәпақамды таптым. Аты жұпыны көрінгенімен, бір күнде табатын табысым 20-30 мың теңге болды. Осылай жұмыстың ешқайсысын артық көрмей жасап жүргенімде «Ақмешіт» институтынан жұмысқа шақырту алдым. Жұмысқа түскен күннен бастап қолыма фотокамера берді, лезде іске кірісіп кеттім. Бұрын-соңды фотоаппарат ұстап көрмеген мен үшін бастапқыда сәл қиын болды. Осы олқылықтың орнын толтыру үшін жұмыстан тыс уақытта іздене бастадым. Ғаламтордан қолымдағы құралды қалай пайдаланып үйренуге болатынын іздедім. YouTube желісін ақтарып, шетелдік видеоблогерлердің монтаждарын көретінмін. Ізденіс пен тәжірибенің арқасында оң нәтижелерге жеттім. Айта кету керек, бұл мансабымның басында қолдау аз болмады. Бәлкім соның арқасында болар, бүгінде бұл мамандықтың шарапатын көріп жүргенім. Бұрынғы жұмыс орнымда Ержан Кенжеев есімді әріптесім болды, ол кісі де фото-видеоға қызығатын. Аға-іні болып араласып кеттік, күнде қызықты және әртүрлі идеяларды талқылайтынбыз.

8-бетте

БИОГУМУС: ӨЛІ ЖЕРДІҢ ӨЗІНЕН ӨНІМ БЕРУГЕ ҚАУҚАРЛЫ

Кез келген тіршіліктің тірлігі жалғасу үшін түрлі фактор әсер ететіні анық. Мәселен адамзат даму жолында білім алады, денсаулығын күтуде салауатты өмір салтын ұстанады. Сол секілді мұндай даму өсімдіктерге де тән. Бірақ сәл өзгеше. Жасыл түсті тіршіліктің өнуіне, топырағының құнарлы, жемісінің тәтті һәм шырынды болуына тыңайтқыштар әсер етеді. Олар өсімдікке киім де, күш те, денсаулық та бола алады.



Тыңайтқыш – өсімдіктердің өсуін, дамуын және өнімділігін арттыру үшін топыраққа қосылатын таза табиғи өнім. Оған қажетті қоректік элементтерді қамтамасыз етеді, топырақтың құнарлылығын жақсартады. Ал тыңайтқыштар негізгі үш түрге бөлінеді.

Минералды тыңайтқыштар химиялық қосылыстардан тұрады. Олардың құрамында негізгі қоректік элементтер бар. Келесі микробиологиялық тыңайтқыштар тірі микроорганизмдерден құралады, сонымен қатар топырақтың құнарлылығын арттыру

үшін микроорганизмдердің қызметін пайдаланады. Ал табиғи түрде пайда болатын, өсімдік және жануарлардың қалдықтарынан алынатын тыңайтқыштарға көң, компост және биогумус жатады. Оларды органикалық топқа жатқызамыз. Ауыл шаруашылығының тиімділігін арттыруда және экологиялық таза өнім алу мәселесінде органикалық тыңайтқыштар ерекше орын алады, соның ішінде биогумус – ең тиімді әрі қауіпсіз тыңайтқыш.



5

СУБҰРҚАҚТА САҚАЛ ҚЫРЫП, ЕСКЕРТКІШКЕ ЕСІМ ЖАЗДЫ ҚОҒАМ ДЕРТІМЕН КҮРЕСТІ КҮШЕЙТУ КЕРЕК

Вандализм – қоғам дерті. Ескерткіштерді қиратып, қала көркіне нұқсан келтіру фактілері жиі кездеседі. Көшеде жүру мәдениетін білмейтін кейбір азаматтар үшін заңды қатаңдату керек секілді. Салғырттық танытып, жүргенсіздікке барып жатқан «жүгермектердің» тәртіп бұзушылығын әлеуметтік желі арқылы да көріп жүрміз. Көп асқанға бір тосқан қашан болмақ?

2




«АУЫЛ КІТАПХАНАЛАРЫНА
100 КІТАП»
АКЦИЯСЫ
БАСТАЛДЫ

5

КӨП МЕРЕКЕ МЕЗІ ЕТПЕЙ МЕ?

Адамзат баласының әрбір күні – мереке. Мұнымен айтпағым, 8 млрд 73 млн тұрғыны бар жер бетінің әйтеуір бір түпкірінде әлдебір ел немесе беймәлім этнос өкілдері қалыптасып қалған қандай да бір мерекелерін тойлап жатуы ықтимал.

Ең жарқын естеліктер бала күнгі әр мейрамда ғажайып күтуден бастау алатыны ақиқат. Еңбектеген сәбиден еңкейген қартқа дейін асыға күтетін атаулы даталар бар. Бас қосуға желеу, көңілге демеу болған мерекелер мен той-томалақтың бүгінде түрі көп. Дегенмен бізге барлығы бірдей керек пе? Қоғамның дамуына қандай әсері бар?

Дамыған елдер қатарында көш бастап тұрған АҚШ-та мемлекеттік мерекелер жыл ішінде небәрі 10 күнге белгіленген. Бірқатарын атап өтер болсақ, олар қаңтардың үшінші дүйсенбісінде Мартин Лютер Кинг күнін, ақпанның үшінші дүйсенбісінде Президент күнін тойлайды. Ал тәуелсіздік күні шілденің 4-і болса, қыркүйектің бірінші дүйсенбісінде

Еңбек күнін және ардагерлер күнін қарашаның екінші дүйсенбісінде атап өтеді. Жалпы алғанда бұдан басқа да штат деңгейінде жергілікті аталып өтетін «заңды» мерекелері бар. Дегенмен азаматтардың жұмыстан демалыс алатын күндері тек жергілікті басқарманың шешімдеріне байланысты.

БЕТТЕ

